



石泉書屋詩鈔

石泉書屋詩鈔 一二三

14
743
6







同治乙丑年鐫

# 石泉書屋詩鈔

利津李氏藏板



自序

余之於詩特寄耳永敢自命為詩人也幼時愛讀唐詩輒學拈韻弱冠後習帖括業此事遂廢壯年通籍漸有餘暇泛覽歷朝名作微窺古人門戶不禁望洋而歎為之擱筆自知力薄才疎於古人無能為役也間有即事抒懷之什隨作隨棄往往過而輒忘以為不足存也丙辰就養重入春明何子貞朱伯韓兩同年各以詩稿見贈且俱以學詩勸我子貞曰吾友有兩人焉皆有詩人之性情而皆不為詩何也兩人者君與鄭小山是也他日又曰海棠無香鱗魚多刺李竹朋不為詩豈非人間憾事伯

序



韓曰君勿自棄何必求勝前人但得肩隨已自可傳即使遠遜前人然能留得一編供後人之雌黃不猶愈於並此而無之乎余感良朋相勸之殷搜索往日焚棄之餘得詩若干首近年來隨作隨錄不計工拙而並存之復得若干首共輯一編昔邵子湘與王漁洋論詩曰譬如候蟲時鳥啁啾啾亦若自適不計聽者之入耳否也是編也固未敢抗希前哲然寄興摠情誠有如候蟲時鳥之自適其適者所以副良朋之期望者如是而已後之覽者或以爲可與言詩或以爲不足言詩甚且覆醬瓿焉糊蠶箔焉均吾所弗遑恤矣竹朋自序

題詞

祇用大厯以後格調而寄懷繚邈措語瀏亮所謂深於風者述情必顯也

侍馮譽驥

古樂府以文言道俗情聞者足戒不減香山之旨他作亦與白傅爲近

侍宋晉



管米香  
香山之首  
風香

題詞

字字珠璣到眼明  
憐才有淚兩心傾  
斯文沆瀣通元氣  
此老風騷得正聲  
京國相逢嗟歲晚  
閩南感舊悵平生  
九州不乏鳶肩客  
憔悴江湖無限情

一著荷衣遍體輕  
果然不負狎鷗盟  
烟霞夙約心猶戀  
琴鶴高風夢亦清  
先生前守吾閩承示山水紀遊諸什  
許我客星能入奏  
愧深人海枉求名城西  
二頃田難買結想何年可課畊

治晚閩縣劉存仁

夢山太宰何嶽嶽  
偉哉李杜麟之角  
謂楊夢山李吉津杜子長濂三先生俱武郡詩人



嘯渤海驚海若汀州老守來堂堂珠玉隨風九天落騷壇橫踞  
無棣東淋漓大筆纏蛟龍鐵門關外環方蓬揚帆大海便可到  
乘槎旦夕排天風

年愚弟張銓

先醒未艾謝朝班千載心期一笑間汪量今之黃叔度坦懷古  
有白香山烟雲過眼欣留影大著有書畫鑑影風月隨身好是閒萬本  
書成哦萬遍龍門咫尺任躋攀

表姪趙維畬

重游蒼玉洞

蒼玉洞在汀郡東城外

兩度聽新吟

去年承示詠梅諸作今年又示遊閩諸什清

絕詩中味超然絃外音拚閒應亦偶變俗不由今翰墨兼風雅

歐虞作者林

憶昔長安住門前轍迹稀偶然相過訪默爾各忘機榕嶠一塵  
到柯亭三載違文人爭慕李況我別依依

年愚弟彭蘊章

舒卷晴空藹藹雲超然高格謝塵氛香山閒適應如此飯顆窮  
愁不到君通籍蚤年登侍從歸田中歲樂耕耘春明舊雨重相  
訪誰許騷壇一席分

羨君才筆似青蓮愧我空吟金薤篇終日塵勞拋歲月何時風



味領林泉郎潛不墜青雲志猷壯應徵白髮年天幸儻酬初願  
了一筇來伴地行仙

年愚弟北平王莖

輭紅塵十丈忽發滄浪吟流水杳然去暮雲相與深秋花無媚  
骨雛鳳有清音坐我古松下如聞綠綺琴

侍潘曾堂

早辭簪紱樂山林落落閒懷發妙吟室散天花無俗豔琴彈流  
水有餘音韓公力埽齊梁習杜老常存稷契心披誦一編冰雪  
句清涼頓覺滌塵襟

文卿樊彬

聞說蓬萊頂中有萬丈桑上半挹北斗下半蓋東陽覽君一枝  
筆巨刃摩天揚斫卻枝與葉終古騰清光

我之愛君詩亦如君愛我欲學知未能不學又不可寒江淨淥  
多古樹微花妥遲之三十年我詩似君頗

翻覆勘此詩恐負委訂意所知無不言所言無復忌豎一精進  
幢造到光明地管窺與蠡測相與析疑義

長洲宋祖駿偉度

君詩得天籟妙是景中情石氣空山瘦泉源秋月清辭官如白



傳愛菊亦淵明洗盡箏琶耳人間此正聲

曾將天籟證詩禪意在松風水月邊更擬性情花隱逸早投簪  
笏佛因緣青山小幘收行篋黃葉高吟入畫船覓句餘閒訂金  
石洪家泉志有新編

桐舟弟鮑瑞駿

愛我垂青眼仙墩更使聞清泉浴秋月晴岫媚春雲金石有同  
癖文章涵古芬么絃與仄調得此掃紛紛  
中歲謝軒冕飄然俗慮刪循聲卓閩海詩品淡秋山我正落塵  
網高風不可攀何時石泉側相賞白雲閒

後學周士澄

高似陶彭澤真如白樂天千秋幾知己一代此名篇黛閣人同  
契夫人亦工詩雞林客競傳愧余疎拙甚名幸挂斯編題先子及  
鵠詩尤多

子梅弟王鵠

前身端合是青蓮超出紅塵得自然一管生花天付與裁雲鏤  
月總堪傳

果然八斗賦天才俊逸清新絕點埃參透禪機詩似偈瓣香我  
欲禮如來

聰明絕頂悟真修悟徹能消世上愁今古榮枯都幻夢好憑詩



卷獨長留

韻似幽蘭蘊妙香一生清興託詞章從今傳寫人爭羨紙貴應須並洛陽

愚姪楊丕度

Table with multiple columns containing faint text, likely a secondary index or list of contents.

石泉書屋詩鈔目錄

卷一

江行晚眺

望金山

過庾嶺

游三洲岩

珠江竹枝詞

陽朔道中看山作

獨秀峯

過瀟湘

洞庭懷古

江干夜泊

寒食

詠古四首和戴已山刺史

作明妃

虞姬

春夜大風雨



採蓮曲

聞秋聲作

秋夜

冬夜效劍南小題詩

春柳

春草

春鶯

春燕

追和字山宗兄紹聞東津卽事元韻

書齋前杏花早放喜而有贈卽索同學諸子和

中秋客濰陽苦雨

中秋後一日與字山兄玩月

重陽前五日陳文垣應奎蓮史應聘姚拙齋汾田英國名

儒諸同年飲餞西園賦此留別

秋蛩

秋草

踏青

述懷

自遣

和若甫叔述近况答友元韻

步子芬兄詠菊元韻

書謫仙詩後

和宋僧守詮韻

不寐

題美人彈琴圖

白桃花

紅梨花

六月十八日記霍災二十韻

步若甫叔偶成元韻

與若甫叔繼之兄東郊晚眺

過某氏田舍

雨後觀河漲歌



立秋日作

夜坐

秋海棠

新秋

擬晉樂府子夜歌

有所思

聞客談海市歌以記之

再至淮陽簡宗兄字山

翫月

清明

送春

憶春

書館獨坐戲題

野望

對菊

題杜右圃表叔受元小照

卷二

初入詞館敬賦

送但子駿太史鍾良乞假歸

題省

題鄒縣孟氏節孝總坊徵詩

冊

題夏海峯孝廉安瀾小照

柬子癡兄

贈徐松臯光祿縉文

題子癡兄玩波圖

題陳敘齋前輩功望雲追慕

圖

留題易石園兼贈松臯主人

題孟雨山同年廣均小照

詠菊六首

供菊

將之任城徐松臯光祿葉彤

江茂才歌詩贈別賦此奉和



山行晚眺新在曾恨湖北未甯陽道中

題徐松坪甲椿種菊圖時重陽前一日翁公卓次新葉淡

題程勉耘蘭江夜泛圖登岱六首

題徐樹人年丈宗幹岱頂觀日出圖白圖兼觀林學主人

題徐小竹貳尹古蕃覽勝圖上官訪履沙河策蹇湖泛月南社尋梅

青駝道中早發送彭于蕃同年崧毓之官滇

南題劉漱石因樹居圖

題明左忠貞公琴圖十月朔早朝謝恩恭紀

題松皋光祿為孔春原學博憲舉摹訪碑圖

陳年伯母紡績圖雪堂同年屬題

送蔣蓮生同年霽遠出守滇南滇為尊甫年丈開府處

臘八粥二十韻春暮

題徐樹人年丈雙歧瑞麥圖

修史偶成早發

望廬山作題王子仙乘槎圖

闡中選中卷闡中發落卷

滕王閣懷古重過潯陽懷古

重登黃鶴樓赤壁懷古



江行口占

桐城道中

謁亞聖廟敬賦

題王文簡公小像

畫扇送祁幼章世丈宿藻出守黃州

題德默菴前輩查汎圖圖為季雲宗兄恩慶所繪晝夜二

景一時同人題詠甚夥 菊飴

閩餘凡年文學海屬題畫幀

出守臨汀留別同人

卷三

出瓜州江口

虎邱竹枝詞

登巖子陵釣臺 謝靈運之尺 過仙霞嶺

汀署梅園有三友書屋而乏松竹余為補植詩以紀事

翕荔支 神同平味水樽林圖 登烏石山

題彭詠我同年蘊章樞垣趨直圖

題李少蓮貳尹滄海從軍圖

題李少蓮自鋤軒吟稿 自題品泉圖

內子張晚芳生日

汀署梅園八詠

梅林竹徑

桃陽蓮池

中亭宿花亭 習射廳 三友書屋

汀郡試院雙古柏歌

散衙有作

題程秋霞羅浮曉夢圖



舟中晚眺

游小玉華洞

過延平晤胡懷莊同年應泰話舊

舟中曉望

山行遣興

題鄭藹人刺史西窗話雨圖並謝招飲

歸化道中

過山村即目

游蒼玉洞

鼓山訪碑記游

題信竹帆同年和來觀稼圖

書齋中蘭開並蒂近復有一蒂三花者戲題截句示晚芳

九日登九龍山懷繼之兄 舟行口占

玉華洞

途中憶梅園桃李盡放書寄

內子

劍河舟中

劍河阻風寄內

青楓嶺道中

野望

下灘

劍河晚泊

山行書所見

游滴水巖

題陳少香明府借燦鷗汀漁

隱圖

題興宜泉明府廉停琴待月

圖

重游小玉華洞

胡麻嶺看雲海

清流道中



山行小憩忽聞異香於道旁見幽蘭一叢感賦

山程早發

陸劍南小像為王琴航明府

題

自題畫扇

題晚芳畫蘭

梅園靜坐

朝斗岩下看梅

題上杭溫泉

題友人小照

梅園卽事

夢回

寄書銘東屏同年岳索畫

辭官後戲作

入贛州山水平遠頓異閩中

喜而有作

重游西湖

渡揚子江

望海

卷四

自出守辭京不獲侍 朝者十載於茲矣丙辰春因男良貽

恭應 殿試重至 宮門感賦

孔繡山中翰憲獎招飲韓齋分韻得坐字

孔繡山中翰屬題方夫人學紡圖

簡何子貞紹基朱伯韓琦兩同年

贈程覺園明府 崇效寺看牡丹

玩古鏡

題畫



重陽擬登盤山先期出都有作二首

三河道中

至盤山石佛莊訪季雲宗兄

留贈

初八日夜雨恐阻游興凌晨

開霽喜而有作

九日登盤山

登盤山絕頂挂月峯小憩雲罩寺

詠盤山古松

消寒八詠

風門 蘊簾 熟 炕 手鑪 暖硯

火鍋 冰牀 花窖

唐花

春日為看花之約潘紱庭閣讀曾綬先期賦詩索和即步

元韻

種竹

晚芳畫蘭予為補寫竹石並題

題吳冰仙女史畫二首

蛺蝶穿花 羣仙共祝

温味秋太 屬題筠素女史繡蝶遺冊

贈朝鮮樞使李藕船尚迪並題其小照

題畫

檢書有感

閒居

韓齋雅集賦贈朝鮮樞使李

藕船分韻得謂字

孔峻峯先生瓢城送別圖繡

山中翰屬題

題李藕船春明話雨圖即以

贈別

題馮林一同年挂芬鄧尉山



廬著書圖

重晤何子貞喜贈

陶然亭遠眺

旅夜

歸里口占

滄州雪後早發

題王覺斯墨蘭卷

書小倉山房集後

讀書

感懷

傷懷

題晚芳書蘭遺墨

省墓恭紀

春歸

卷五

古厯亭讌集感懷  
明湖納涼遇雨

五十四初度

題茅菘塍明湖泛月圖

仲衡宗兄同年鈞和贈余新詞賦此奉酬

明湖卽目

鄰境屢聞警報感懷

自嘲

贈宋偉度明經祖駿卽題其

詩集

端午與邵汴生侍讀亨豫重

游明湖縱談書懷

九日登千佛山

冬夜

除夕

重到濟南書院書事

題畫

王子梅大令鴻屬題春明六客圖



王子梅大令屬題尊甫海門年丈詩文集

王海門年丈撫松圖子梅屬題

王子梅見示詩稿並有贈句和韻奉酬

明湖權歌

讀書

題王蓬心畫瀟湘圖上有王夢樓詩句

觀劇

新春試筆

春日大雪

李烈婦

遣懷

顧祠聽雨圖王子梅大令屬

題

秋霖不止王子梅以詩見示

用陶詩連雨獨飲韻即依原韻奉和

苦雨新晴湖邊散步

鮑子年中翰康寄示觀魚詩

即和元韻

自龍洞至佛峪記游三首

贈陳姬儷琴

九日重登千佛山和鮑桐舟

大令瑞駿登北極臺韻

題王子梅得印圖

季秋將由歷下歸里鮑桐舟宮子行本昂兩大令方小東

刺史朔宋偉度明經餞余於筆花書屋桐舟兼有贈句

即和元韻

題王秋垞二尹蒼茫獨立圖

從歷下買舟旋里記事

沈河舟中



從歷下返家園作

詠雪次東坡尖又韻

讀前賢和尖又韻詩復成二律仍用原韻

卷六

上元甲子元旦試筆

春回

登利津城樓

順風謠

重游歷下

放生池觀魚

游釣突泉

王子梅屬題其長女貞年畫

梅冊

靜坐

聽雨

題王秋培貳尹蒼茫獨立軒

詩稿

鐵公祠

盆魚

聞金陵收復三江肅清誌喜

題揚子惠內表兄恩祺憶得偶存詩稿

秋夜

學道

冬夜偶成

琴牀

棋匾

書架

畫叉

羅書堂同文綦達九應鴻雨

茂才贈我晚菊數種冬月盛開對雪賞花別饒佳趣賦

成十六韻並柬二子

大雪



寒甚口占

和王子梅詠竹元韻

述懷

有感

雜詠十首

門神

勾芒

攬鏡

有勸余出山者拈此示之

立春後六日聞雷誌異

元宵大風雪

送高次封太守貢齡之官會

稽

輓李筠菴表弟祥辰

消遣

春寒

沈河舟中遇雨

牡丹

春日小園卽事

口占

中庭樹

靜境

禱雨

喜雨中歡興二首

七夕前一日園中納涼

消夏

余向嗜圍棋近以其勞神也戒之并紀以詩

王禹鄉明府世榮屬題尊甫蓉山先生松陰趺坐圖

畫山水自題

卷七

六旬得孫誌喜

種花



至海豐王蘭洲張幼文子緝諸君子招飲別後卻寄

苦雨歎

六十初度自述十首

天津道中早行

題張翼南同年詩集

得蘇賡堂同年廷魁書兼有贈句和韻卻寄

和宗兄季雲寄懷元韻

新樂府十二首

貼贈黃官  
兵來募鄉

勇民失業  
報捷音

黃流決  
坳地糧

織錦段  
鳳巢高

海商船

夜坐詠懷

暮春園中遣興二首

春暮戲題

輓高次封太守

感事

秋扇

春暮晚眺

檢書畫自嘲

坦園雜詠五首

題粵東何蘧菴畫梅卷

卷八

旅懷和河西務壁間韻

宋雪帆侍郎晉陳小舫給諫

廷經邀陪馮展雲宮詹譽驥羅椒生尙書惇衍汪漢嶠

太僕映斗許涑文太守邦光讌集陶然亭卽席賦呈二

首

樊文卿大令彬贈句卽和元

韻奉酬並題其問青閣詩集

鮑子年閣讀屬題顧祠聽雨圖



題宋僧巨然萬壑松風圖 題李應辰外兄觀魚圖小照

王子梅大令有見懷之什賦此奉答卻寄

文信國鐵如意歌

勞山記遊詩二十首 重九日望勞山

作太平宮 白雲洞望海 鈞龍磯 華巖菴 明

霞洞夜坐 元真洞 上清宮 二首 八仙墩 晨眺

雲物類海市以詩記之 太清宮 贈太清宮羽士姜

牧亭 勞山道中雜詠 回首 勞山即事 出山作二

首

石泉書屋詩鈔卷一

利津李佐賢竹朋

江行晚眺

風急孤帆飽春江正落暉驚濤驅岸走遠岫挾雲飛客路輕千里暝煙合四圍故鄉天際望搔首更依依 警濤聯置之老杜集中亦稱佳句通首無一字可移易可謂四十賢人 度謹注

望金山

中流砥柱水平分矗起孤峯上入雲金碧樓臺空際現依稀畫法李將軍



過庾嶺

風光領略入新詩嶺上徐行不厭遲  
可惜梅花千萬樹我來偏不遇花時

游三洲巖

蓬萊有三山遠落滄海外此巖號三洲  
近在康州界乘興一登攀山小洞門大  
夏屋敞宏深渾疑入官解蠻方無雪霜何來冰  
柱挂方知石乳懸終古不會壞涓涓殊露滴  
泉聲漱清瀨滿地溼莓苔不教紅日曬破屋  
傍巖藏何人芳躅寄云是舊書齋於今已廢  
棄旁漏一線天側身入穿隧出坎躡層巔下  
臨疑無地

卻看磨崖書坡仙曾題記嶺南遷謫時  
依然游興恣故故鑿幽險一一留姓字  
想見古之人好事比我最

珠江竹枝詞

五羊城外水如烟高挂蓬窗浪拍天  
十里江光連海氣一齊浮上蜚人船

珠江一片月明多月映燈光  
燈映波兩岸琵琶聲不斷宵深猶唱解心歌

粵東曲名

珠娘綽約似吳娃小艇浮來便是家  
權入花田纔繫纜拋錢爭買素馨花



橫樓杉面

俱船名

綺羅香粉黛爭憐別樣妝底事紅潮生兩頰美

人應是醉檳榔

陽朔道中看山作

讀書讀蒙莊愈味愈深奧看山到陽朔誰能窮其妙我從灘江  
來嵐光浮短櫂靈境頓非常聞得舟人報萬笏齊插天無理但  
取鬧爨睇各逞奇一一殊形貌高者旋螺紋卑者披絮帽偃僕  
俯似恭昂藏形類傲爭長復爭雄後擁亦前導無峯不秀拔無  
筆不通峭邱壑太支離縱畫安能肖我本嗜烟霞逢山無不好  
况遇此靈山迥非意料口噤不能言情怡常欲笑無路可登

攀所憾不能到安得躋層巔快哉舒遠眺更擬效孫登臨風一  
長嘯

獨秀峯

桂林邱壑總翻新似此峯巒迥絕塵拔地參天矜獨立如人風  
骨太嶙峋

過瀟湘

清流曲折漾晴波風送輕帆宛轉過欲把湘靈消息問空明一  
片水雲多

洞庭懷古



春水晴波泛洞庭芳洲杜若尚餘馨行吟騷客今何在賸有君  
山不斷青

江干夜泊

逢窗挂起夜深憑水上風微浪不興四面濃陰如潑墨隔江明  
滅一漁燈

寒食

三五點雨雨還歇一兩枝花花未開春來漫道無春色舊日春  
愁依舊來

詠古四首和戴己山刺史岷作

西施

響。屢。廊。空。唱。鷓。鴒。千。秋。遺。恨。說。姑。蘇。縱。然。故。國。曾。依。越。未。必。芳。  
心。欲。沼。吳。粉。黛。六。宮。無。豔。色。江。山。一。夢。付。寒。蕪。美。人。情。重。何。難。  
死。浪。被。人。稱。泛。五。湖。

虞姬

重圍垓下霸圖荒帳底蛾眉早斷腸四面聞歌雜漢楚一身甘  
死報君王銜恩淚灑烏江咽起舞愁生翠裏涼轉笑沛公求雉  
去可能留得姓名香

明妃



何須命薄怨紅顏報國情深出玉關。使黃金酬畫史可能青。  
塚話人間紫臺落日連沙漠。明月秋風冷珮環。只是和我勞女  
子。憐他將相列朝班。

綠珠

綺羅叢裏猛回頭。墜地明珠慘不收。此後貞魂應化石。當年春  
色憶登樓。玉顏獨抱冰霜氣。金谷常留粉黛愁。多少承恩誇百  
琲。秋雲春絮總悠悠。

春夜大風雨

狂飈挾雨撼書樓。有客挑燈樓上頭。已是春愁消不得。更添一

半○替○花○愁○

採蓮曲

一唱採蓮歌。蓮花嬌欲醉。花映採蓮人。人與花爭媚。舉頭蓮花  
紅。低頭蓮葉翠。何事雙鴛鴦。故故惱人意。

饒有齊梁意。故祖駿

聞秋聲作

讀罷秋聲賦。餘音尙未歇。燈炮不成眠。幽窗寂無月。屋瓦驚飛  
草木號。聲自西南來。兀突單干徑。度燕支山壓。軍摩壘神出沒。  
將軍鐵甲夜戰酣。萬馬奔馳萬弩發。又疑長鯨吼江海。兼天波  
浪湧。倉卒銅隄摧。倒鐵門開。餘威直犯蛟龍窟。浙江潮信廣陵



薄一夜門前爭飄忽願將清夢托孤舟破浪乘風抵漢關

秋夜

人定夜寂寥穩臥淨浮慮好月明書窗照我忽驚寤看月起開門秋色不知處繞徑咽蛩吟彷彿幽情訴涓涓涼露滴風定鴉棲樹撫我綠綺琴座有碧雲護一彈流水曲曠然發高悟不是箇中人焉知箇中趣

冬夜效劍南小體詩

蝸廬小小足盤桓街鼓聲中夜未闌薄映紙窗鋪月冷深培土窖護花殘鐺添雪水烹茶煨硯凸冰紋蘸墨乾一別嶺梅相憶

苦梅圖點綴壁中看

怯冷常擡山字肩匡牀小坐復閒眠輕裘睡擁衣成被永漏聲遲夜亦年龜甲蕪爻占夢果螭鑪撥火煨詩聯分陰輸與陶公惜睡起朝朝過八甌

春柳

流水棲鴉憶往時東風吹綠又絲絲牽來舊緒如相識畫出新愁總不知妝罷樓頭迷遠望折從橋畔寄相思爭禁弱縷渾無力那向他人縮別離

春草



萋萋會為送王孫宛轉多情絲繞門小立東風纔識面不經南浦也銷魂思縈遠道春無賴夢入芳塘月有痕回首那堪江上路鶯啼花落又黃昏

春鶯

聽到遷喬第一聲銀簧噤噤最分明綠楊谿外風初軟紅杏村邊雨未晴枝上莫教驚妾夢樽前應許助詩情謫仙歸去知音少好句誰堪續鳳笙

春燕

烏衣悵別已經秋又趁韶華故國遊柳絮香泥融紫陌梨花深

院鎖紅樓新巢欲向雕梁認舊迹應將綵綫留卻笑年年拋玉翦何曾翦得斷春愁

四作情致纏綿漁洋曲江不得專美於前矣 丕度

追和字山宗兄紹聞東津卽事元韻

回憶長隄把袂行雨餘天氣玉壺清紅霞日麗光浮郭碧浪風高力撼城舊夢依稀懷往事新詩酬唱動離情何年共慰登瀛志攜手蓬萊路幾程

書齋前杏花早放喜而有贈卽索同學諸子和

梅花別去冷騷壇嬾向東風倚畫闌到眼忽驚春意鬧癡心幾



石泉書屋詩鈔  
當美人看似緣詩客生香早欲答芳情得句難如此韶華孤負  
易請君分韻共追歡

癡心句妙 祖駿

中秋客離陽苦雨

西風吹雨上簾鉤佳節偏教動旅愁雲妬月華深作障夜涼燈  
火淡宜秋青衫飄泊他鄉客紅裏殷勤何處樓無限情懷拋不  
得羅衾擁坐數更籌

中秋後一日與字山宗兄玩月

西風一夜捲重陰碧落無聲萬籟沈月色猶從圓後好秋懷轉  
向客中深羨君詩思清於水與我交情淡入琴塵世知音原少

遇唱酬珍重此時心

重陽前五日陳文垣應奎蓮史應聘姚拙齋汾田英圃名

儒諸同年飲餞西園賦此留別

滿園秋色近霜辰著屐尋幽共主賓九日黃花懷故里一時清  
會聚騷人青山有意如迎客紅葉爭妍錯當春水面孤亭團坐  
久蓬壺好與話前因

華堂深處醉芳筵又賦河梁轉黯然此日鴻泥憐小住幾時蝶  
夢話重圓窗前翦燭紅垂淚石上留詩碧勝箋莫道雲山能間  
阻心交原不在塵緣



秋蛩

怕聽秋深萬籟聲亂蛩相和倍淒清  
茅籬斷續吟風細蔓草荒涼  
詠月明短塞頻催寒有信長門深鎖夜無情  
誰家繡幕羅幃裏孤枕涼宵夢未成

宵涼人靜院清幽偏聽勞勞訴未休  
燈暗金闈思遠道霜寒玉砌咽  
深秋飄零芳草王孫怨冷落機絲嬾婦愁  
遮莫鄰家砧共杵聲聲空外更相酬

秋草

春郊尚憶綠雲平又值萋萋送暮晴  
一徑寒煙蘇蝶夢半塘秋

水亂蛙聲空餘蘭芷香痕在依舊  
靡蕪別思縈莫向西風回首望  
望湖南萬里重關情

短長隄外古城根衰草蒼茫燒有痕  
牧馬嘶風聞紫塞嗥蟹和露咽  
黃昏西堂夜雨誰尋夢南浦春風  
憶斷魂為問湘江蘭茝畔可曾歸去  
楚王孫

踏青

遨頭歸去帶斜暉柳汁青青上客衣  
詩夢如隨春草動心情不逐亂花飛  
清溪綠漲石鱗沒宿雨黃抽菜甲肥  
惆悵華年流水逝尋芳轉使惜芳菲



述懷

終○軍○年○弱○冠○慷○慨○志○請○纓○我○亦○被○此○誤○擾○擾○事○浮○名○今○是○覺○昨○  
非○倚○事○苦○羈○縈○長○天○自○浩○蕩○流○水○淺○復○清○游○心○無○窒○礙○遂○與○化○  
機○行○所○以○居○城○市○不○聞○車○馬○聲○一○卷○南○華○經○攜○來○窗○下○評○書○靜○  
悄○無○語○幽○鳥○時○一○鳴○徘徊○庭○戶○外○好○風○忽○相○迎○此○境○無○人○見○落○  
日○依○松○棚○空○外○晴○絲○墜○宛○轉○若○為○情○作○濠○濮○上○觀○何○地○不○空○明○  
倦○倚○檻○下○坐○聊○復○學○長○生○

曾文既超出語自真華有味  
志和音雅古味悠然 五度 駿

自遣

浮○空○頓○悔○逐○輪○躡○茅○屋○棲○遲○小○院○西○一○半○點○苔○沿○砌○長○雨○三○竿○

竹○壓○檐○低○無○人○過○處○花○自○落○有○夢○回○時○鳥○乍○嘯○瀟○灑○天○懷○活○潑○  
地○塵○寰○盡○是○武○陵○谿○

逸趣橫生 祖駿 一片化機悟道之  
作 度

和若甫叔述近况答友原韻

蕭○然○一○室○俗○情○刪○繞○榻○琴○書○共○往○還○新○月○窺○簾○初○到○客○好○雲○當○  
戶○乍○移○山○友○非○知○已○交○原○少○心○到○忘○名○趣○自○閒○惟○有○耽○吟○癖○未○  
改○風○前○搔○首○有○詩○斑○

步子芬兄詠菊元韻

三○秋○花○事○怕○收○場○看○到○黃○花○興○轉○狂○冷○淡○幾○會○招○熱○客○孤○高○未○  
屑○伍○羣○芳○能○留○晚○節○何○妨○傲○別○抱○幽○情○不○在○香○料○得○時○人○難○共○



賞移樽獨對小籬傍

書謫仙詩後

上有皎皎之明月下有浩浩之江流乾坤清奇之氣難終秘才  
人椽筆一齊收青蓮文章光萬丈神工鬼斧不可端倪求清鐘  
時聞太華頂長風吹墮海天秋奇思忽落青霄外目空千古藐  
九州我思此才祇應天上有謫向人間却塞磊落不自由因之  
縱筆抒胃臆嘯傲塵世輕王侯能令千秋萬歲以後讀詩者逸  
興勃發凌滄洲安得乘雲跨鶴從君去終古汗漫蓬萊遊  
起而筆奇肆從太白得來 丕度

和宋僧守詮韻

山靜不聞鐘夕陽封野寺幽人倚孤筇眺遠停雙屨古徑少人  
蹤閒雲自來去

不寐

睡魔呼不至起坐正無聊涼透風生幙輝清月上寮華年何冉  
再往事憶迢迢縱有荒雞唱劉琨志已消

題美人彈琴圖

玉珮明璫望若仙落霞斜抱意悠然泠泠傳出琴中趣別有深  
情不在絃



白桃花

不讓梅花獨占芳東風一夜換霞裳重來崔護人如玉卻誤劉  
郎鬢已霜雅淡知誰憐素質繁華墮劫笑紅妝武陵從此雲迷  
徑省得漁翁話短長

紅梨花

桃。緋。杏。豔。鬪。鮮。新。底。事。梨。花。亦。效。蠶。薄。暈。已。成。中。酒。態。尋。芳。欲  
誤。洗。妝。人。三。生。明。月。迷。前。夢。一。片。斜。陽。繪。暮。春。寄。語。朱。顏。應。自  
惜。莫。教。零。落。墜。紅。塵。

六月十八日記雹災二十韻

乾方雷震頑雲吐石燕翻空商羊舞日蔽無光白晝昏狂飈颯  
颯來飛雨一聲霹靂掣金蛇雹落渾如桴擊鼓初觀意喪駭且  
驚後勁逾加勢用武孽龍酣鬪騰虛空吸深澗冰作飛弩閉門  
響。逾。萬。千。聲。破。窗。而。入。不。可。杜。凌。厲。無。前。莫。敢。攫。暴。如。苛。政。猛  
如。虎。白。玉。成。地。冰。作。山。餘。威。奮。擊。勇。可。賈。須。臾。雲。收。萬。怪。滅。拾  
。辰。出。門。觀。我。圃。斷。腸。花。謝。香。無。蹤。文。姬。出。塞。歸。胡。虜。東。籬。問。菊  
。菊。已。殘。零。枝。敗。葉。不。可。數。安。排。秋。日。侑。壺。觴。誰。知。夏。日。縱。尋。斧  
。大。呼。造。物。太。無。情。對。此。慘。目。不。忍。觀。農。人。適。向。田。閒。來。對。我。陳  
。辭。辭。可。取。言。君。底。事。為。花。愁。何。弗。思。我。農。人。苦。八。口。家。依。百。畝



田猶饑孩提之待乳不分黍稷稻粱穀天災過處爲平土呼吸  
瞬息不勝憂所憂恐無米入哺我聞此言三歎息以此較彼不  
猶愈世事儻存退步思皆大歡喜何嗔怒

詩近歐北體筆力  
足以達之祖駿

步若甫叔偶成原韻

好鳥棲一枝饒有自得趣高人何所適而非安樂處俯仰無愧  
作窮達任乎數居吾之廣居不羨華屋住

與若甫叔繼之兄東郊晚眺過某氏田舍

清風生兩履信步入田家茅屋依城小柴門逐水斜坐餘忘主  
客話久愛桑麻更擬攜琴至長吟奏落霞

歸路碧雲平長隄緩步行遙村蒸暮靄古木借秋聲滿地野花  
暗穿林燈火明興闌時得句染翰寫幽情

雨後觀河漲歌

銀潢倒瀉九天上水深門外屋如舫沈河頓作廣陵潮奇觀斗  
覺心懷放濤頭遙望奔一綫迅馳風霆疾掣電人立蒼茫銀海  
眩力撼城郭搖石堰奮威鼓怒似項王喑呀叱咤來酣戰盤渦  
湍激萬馬旋浪花瀆湧飛弩箭似有龍鬣蛟龍魚洪濤出沒時  
隱見一波未平一波起瞬息情狀已千變憶我昔曾汗漫遊孤  
帆一葉天際浮黃河一曲流千里長江天塹鬼神愁灘江怪石



何○奇○絕○十○八○灘○頭○浪○如○雪○天○輪○激○轉○地○軸○迴○駛○溜○穿○山○山○罅○裂○  
看○山○欲○看○峯○與○巒○觀○水○有○術○觀○其○瀾○卽○今○洪○水○挾○急○湍○胡○弗○三○  
江○五○湖○與○齊○觀○惜○乎○奔○騰○澎○湃○空○復○爾○無○本○立○涸○轉○可○恥○一○笑○  
人○當○鑒○於○水○

立秋日作

猶○憶○送○秋○歸○悵○望○一○何○遠○忽○如○遠○行○客○報○自○異○鄉○返○問○秋○何○方○  
來○曾○不○知○其○處○安○得○常○延○留○無○來○亦○無○去○

夜坐

萬○籟○中○宵○靜○狂○吟○興○轉○豪○星○辰○向○空○盡○河○漢○入○秋○高○病○起○身○難○

健○愁○多○首○自○搔○茫○茫○千○萬○緒○不○待○讀○離○騷○

秋海棠

紅○妝○漫○擬○燭○燒○殘○羸○得○輕○盈○翠○裏○單○一○樣○深○情○誰○領○略○教○人○癡○  
倚○玉○闌○干○

月○影○闌○珊○印○翠○痕○低○垂○不○語○怨○黃○昏○杜○陵○底○事○無○詩○句○吟○到○秋○  
深○已○斷○魂○

新秋

蓮○池○尙○餘○殘○夏○竹○館○已○覺○新○秋○前○度○瑤○琴○解○愠○者○番○紈○扇○生○愁○  
潤○餘○圖○書○雨○後○涼○拂○枕○簟○風○前○碧○葉○纔○辭○井○畔○黃○花○試○問○籬○邊○



嫩寒雲階月地新爽水榭風亭一曲蛩吟別院兩行雁起遙汀

擬晉樂府子夜歌

為誰結相思不語立闌前  
飛花冒蛛網無故自纏綿  
歸期卜金錢今歸意不料  
背人整容儀羞向玉臺照  
門外栽紅蓮蓮開生蓮子  
摘子與歡嘗憐儂心似此  
卻恨歡情薄未解儂心苦  
喚儂佯不應背立調鸚鵡  
明月復明月歡意有盈虧  
清風似儂意何處不相隨  
久別動經歲小別亦經旬  
離情向誰訴訴與鏡中人  
回環總無端并刀不能割  
願歡與儂情比此雙條脫

往事不可追有約從今後但種合歡花莫更栽紅豆

聲情通肖 祖駿

有所思

有客長歎有所思欲向青天一問之  
長沙淪落治安畧騷人哀怨行吟辭窮途  
阮籍哭下第劉蕡悲承恩嫫姆明如怨人生何  
問妍與媸碧翁豈夢無時醒胡為顛倒恒如斯  
問天天不語天意我已知窮通得喪儗儗耳  
美惡施報復奚為君不見澗底之松十丈餘  
奇材廊廟棟梁資終古不逢公輸子風霜蝕剝空  
離披又不見泰山之雲膚寸合雨遍天下萬物滋  
密雲不用作霖



嫩寒雲階月地新爽水榭風亭一曲蛩吟別院兩行雁起遙汀

擬晉樂府子夜歌

為誰結相思不語立闌前  
飛花冒蛛網無故自纏綿  
歸期卜金錢今歸意不料  
背人整容儀羞向玉臺照  
門外栽紅蓮蓮開生蓮子  
摘子與歡嘗憐儂心似此  
卻恨歡情薄未解儂心苦  
喚儂佯不應背立調鸚鵡  
明月復明月歡意有盈虧  
清風似儂意何處不相隨  
久別動經歲小別亦經旬  
離情向誰訴訴與鏡中人  
回環總無端并刀不能割  
願歡與儂情比此雙條脫

往事不可追有約從今後但種合歡花莫更栽紅豆

聲情通肖 祖駿

有所思

有客長歎有所思欲向青天一問之  
長沙淪落治安畧騷人哀  
怨行吟辭窮途阮籍哭下第劉蕡悲承恩嫫姆明如怨人生何  
問妍與媿碧翁豈夢無時醒胡為顛倒恒如斯問天天不語天  
意我已知窮通得喪儗儗耳美惡施報復奚為君不見澗底之  
松十丈餘奇材廊廟棟梁資終古不逢公輸子風霜蝕剝空離  
披又不見泰山之雲膚寸合雨遍天下萬物滋密雲不用作霖



雨舒卷一任天風吹雲兮無心何自得與爾相期無盡時  
頓挫獨往獨來太白而後又見斯作 不度 沈

聞客談海市歌以紀之

放眼頓覺九州隘游戲超出紅塵界靈奇時現東海東詭譎不  
顧人驚怪有客天涯汗漫遊足踏蓬萊閣上頭天風海濤相颺  
颺豪情逸興凌滄洲銀海眩生失溟海但見珠簾畫棟飄渺之  
飛樓仙居臺觀凌雲起神工鬼斧一時修不然汪洋浩瀚萬頃  
流誰取廣寒宮中八萬二千戶擲向波面相沈浮况復變滅無  
名狀換羽移宮別一樣魚龍曼衍早安排十光五色紛迷望有

時蚩尤噴妖霧涿鹿野戰神兵布劍戟林立雪花明鐵騎馳突  
無回顧有時王母下瑤池琅玕彷彿聞韶籟神光離合乍陰陽  
雲旗風馬羣靈護有時強暴過嬴秦凌空築起長城固有時亥  
市趁夕陽珊瑚木難炫無數女媧七十二變變無窮倒世人  
不得知其故初疑滄海變桑田紅塵劫灰理或然不待精衛銜  
石填居然雕牆峻宇相鉤連又疑神仙恣游戲畫稿粉本偶寫  
意借得蔚藍當紙鋪丹青揮灑閒情寄歸來向我述異聞目極  
浩渺胸生雲我游未到已神往蜃樓海市何紛紜宇內奇觀見  
始好奮飛擬赴蓬壺島勝境難逢可奈何癡心欲效坡仙禱更



石泉書屋詩鈔  
欲乘槎一登攀。鸞跨鶴謝人間色。相誰知。都是幻。可望不可。即如三神山。從知天地浮漚耳。來今去古。東流駛一會。一十二萬年。忽忽過眼。只如此。嗚呼。過眼只如此。我欲問天書一紙。離奇變幻。使讀者目眩。情移。必傳之作。不度。

再至濰陽簡宗兄字山

暮天秋色雁行遲。客路逢君慰別離。話舊重聯棠萼好。尋芳仍是菊花時。披吟麗句詩千首。欣賞奇文酒一卮。風雨西窗今似昔。依然臭味不差池。

翫月

涼風扇微雲。萬里淨塵壒。皓月流清輝。變作琉璃界。清氣入襟懷。秋露溼沆漑。似聞廣寒宮。清音來一派。

清明

家園春色別離輕。客裏曹騰節序更。遙見秋千牆外影。始知今日是清明。

送春

彈指韶光過。眼輕驪歌怕。奏一聲聲。何人折柳。還留別滿地。飛花欲送行紅豆者。番增懊惱。綠蕪前路。不分明。斜陽流水銷魂處。玉粲登樓無限情。



憶春

匆匆孤負百花辰，卻為春歸轉憶春。  
有限韶華原過客，無端情緒似懷人。  
紅樓記否辜珠箔，紫陌曾經駐畫輪。  
潦草東風吹夢去，不堪回首問前因。

書館獨坐戲題

蕭齋兀坐冷如冰，妙理因參最上乘。  
淡飯療饑皆至味，孤檠照影即良朋。  
來年冀作成名佛，此日權為受戒僧。  
卻笑門生時請業，先生自問有何能。

野望

乘興渾忘遠，平原信步行。  
麥深初有浪，花野半無名。  
薄暮煙成海，環村樹作城。  
閒雲知我意，延佇若為情。

頸聯妙語 駿

對菊

幽菊如幽人，味淡趣自永。  
移種籬落間，悠然生妙境。  
清風拂其枝，朝露挹其穎。  
夕陽復明月，橫斜寫秋影。  
與我為益友，對之煩慮靜。  
會心豈在遠，惟人所自領。  
此意持問花，無言亦深省。

題杜右圍表叔受元小照

盤桓松下對瑤琴，流水高山寄意深。  
不鼓昭文絃底事，應憐塵世少知音。



近少吟音

盤珠林下樵琴滿水高山谷意猶不短即文林風事飄揚里  
 賦歸會小意巧對誰人浪自論此意待問蘇無言亦彩首  
 環博靈計其誰心願者  
 乘興風涼意平風前起行空翠石有良好理半無台  
 乘興風涼意平風前起行空翠石有良好理半無台

石泉書屋詩鈔卷二

利津李佐賢竹朋

初入詞館敬賦

玉堂清秘接瀛臺新被  
 恩綸聯步來獻賦同誇詞翰富匡時誰抱棟梁材叨陪侍從依  
 香案敢謝文章列上台願效涓埃難報稱冰銜莫負此栽培  
 送但子駿太史鍾良乞假歸省  
 世德箕裘步玉堂銜  
 恩歸省下瀟湘風清遠島家聲遠春永蘭陔壽宇長煙雨行蹤



添畫稿湖山秋色付詩囊遙知舞綵承歡日正值登高薦菊觴  
丰采翩翩雅範宜瀛洲聯步識荆時神清杖度波千頃才豔文  
通筆一枝春殿摩空同奏賦君與余同散館秋風送別又催詩贈言須  
念蒼生切謝傳東山起莫遲

題鄒縣孟氏節孝總坊徵詩冊

鄒嶧鍾靈仰大賢閨型還著柏舟篇乾坤正氣垂今古冰雪芳  
蹤接後先寡鵠離鸞腸易斷蒼松翠竹節同堅斷機曾溯三遷  
訓一樣徽音奕葉傳  
苦節貞魂共表揚果然潛德發幽光

宸章五色

絲綸煥汗簡千秋姓氏香彤管儒林評月旦青霄寶婺吐星芒  
龜蒙鳧繹峯高下綽楔巍峩欲頡頏

題夏海峯孝廉安瀾小照

苔痕繞坐石漏爛雲影徘徊客意閒消受荷風香十里不知何  
處是塵寰

非關雲嬾出山遲一片閒情野鶴知如此林泉宜供養何妨小  
住又多時

東子癡兄



蕭齋鎮日足清閒，鄉思難禁繞故關。  
記得壘麈風味好，商量買黛畫春山。

贈徐松臯光祿縉文

杖履精神翼鏘強，清談未減少年狂。  
六朝風格今猶在，一笑塵緣淡欲忘。  
染翰南宮雲潑墨，君善書開筵北海月飛觴。  
從游莫恨逢君晚，共駐蓬壺日正長。

天涯邂逅便傾襟，渾遇成連海上琴。  
花月閒情真慧解，林泉癖好結同心。  
談能竟日鋒常利，交是忘年味更深。  
君長余四十歲他日卜鄰如踐約，異菴應許話同岑。

題子癡兄玩波圖

長風浩蕩海天秋，臨眺蒼茫意自由。  
一任駭波驚浪起，此心未許共沈浮。

題陳敘齋前輩功望雲追慕圖

閩山迢遞閩水長，中有丙舍白雲鄉。  
卻立望雲攬征轡，仁人孝子哀中腸。  
昊天罔極溯恩勤，親心兒身肯暫分。  
祇緣祿養辭親舍，在山雲作出山雲。  
看花踏徧長安道，贏得還鄉衣錦好舞斑。  
愛日期方長，經霜遽勸靈椿老。  
春暉難報空涕連，寸心應比三春草應。



詔柏臺爲侍御傷懷重別趨庭處身共燕雲向北飛誰知心逐鄉雲去幸奉板輿來

帝京移孝作忠答

昇平臣心不願干鍾祿慈闈但祝同長生駒光逝水年華度萱花難化恒春樹回首音容隔渺茫晨昏安得伸孺慕歸途江上怕重經勝聲依舊難爲聽慈雲望斷魂歸去一路山光黯不青而今建節莅齊魯顯揚自問終何補陟屺陟岵總淒然愁雲慘淡懷鄉土吁嗟乎鼎烹不逮空長歎何如百里負米承餘歡豸衣重試吞聲哭何如依依常著老萊服明發有懷難形容孝思

欲寫將安從畫圖一幅意萬重淚痕深淺雲痕濃我亦讀詩廢  
夢莪終天抱恨呼奈何披圖握管不忍下同向西風揮淚多

留題易石園兼贈松臯主人

小園亭榭傍煙蘿露夕煙朝取次過修竹四圍消夏好名花一  
桁得春多軟紅窗外無塵馬濃綠谿邊擁黛螺三徑琴樽誰管  
領此中端合住東坡  
咫尺峯巒不欲平安排邱壑最分明折皺微帶雲林法下拜應  
深海岳情泉石膏肓宜我輩煙霞供養豔先生留題重待他年  
訪認取鴻泥爪印輕



題孟雨山同年廣均小照

小扇輕衫謝綺紈，風襟落落步珊珊。他年好入簪花宴，更向芙蓉鏡裏看。  
不道平生我輩人，即從燈燭帶雲巾。不期  
蘊藉風流似牧之，卻緣同譜訂心知。十年舊夢重回首，記取天香染裏時。

詠菊六首

種菊

曾經鋤月種梅花，又向春分護菊芽。一樣清芬兼冷豔，都教點綴野人家。

盼菊

西風料峭夕陽天，底事黃花未逗妍。彷彿良朋期不到，費人癡望小籬前。

看菊

炎涼回首閱繁華，秋色偏逢處士家。頓使熱中人意冷，只因青眼對黃花。

問菊

重陽花事更如何，訊問東籬取次過。我自情濃君自淡，幽情未識落誰多。



移菊

冷澹秋光何處尋。疏籬荒徑結緣深。縱然移向華堂去。依舊高人出世心。

供菊

摘取幽花供一枝。玉堂茅舍總相宜。從今滌得塵根淨。不是依人籬下時。

將之任城徐松臯光祿葉彤江茂才歌詩贈別賦此奉和  
勞君送我賦新詞。萬疊情瀾起墨池。凍柳長隄難繫別。寒梅驛路正相思。名花好月開樽候。清簟疎簾對奕時。訪舊重來春有

約不須惆悵話臨歧

山行晚眺

嵐氣重圍合。吟情薄暮幽。山容涵太古。暝色入新秋。鞭影巖花逐。琴心澗水流。征鞍何處宿。遙指碧雲稠。

甯陽道中

頻年浪迹等浮鷗。又向天涯汗漫遊。客路細穿楓葉徑。鄉心孤負菊花秋。幾灣流水荒橋渡。半角斜陽古戍樓。吟就新詩誰唱和。征鴻嘹唳起汀洲。

題徐松坪甲椿種菊圖時重陽前一日



點綴黃花傍小闌。桐陰深處好盤桓。幽人豈必希陶令，自寫秋  
光入畫看。  
秋芳結契話三生，頓使梅花讓主盟。籬下不辭風露坐，朝朝相  
伴寫幽情。  
雨雨風風護幾枝，幽芳珍重自扶持。花情人意誰深淺，淡到無  
言兩不知。  
我亦耽花興欲狂，况兼節候近重陽。詩成借問東籬客，可許分  
來一瓣香。

題程勉耘蘭江夜泛圖

山圍如帶水如煙，春在蘭江兩岸邊。好是月涼風定後，笙歌十  
里美人船。  
半頃琉璃蕩畫橈，夜涼燈火玉人簫。從今占得風流最，不數揚  
州廿四橋。

煙波江上木蘭舟，一曲陽關幾度秋。風景別來君憶否，也應還  
向夢中遊。

登岱

天風吹袂落峯頭，蒼莽寰瀛入望收。日○月○雙○丸○捫○上○界○雲○烟○九  
點○小○齊○州○虬○龍○已○化○秦○松○古○碑○碣○難○尋○漢○時○留○試○問○登○封○七○十



二可能金石壽千秋

題徐樹人年丈宗幹岱頂觀日出圖  
才人游戲出塵表。放眼頓覺天下小。覽勝平臨目觀峯。仙風引步雲霞繞。想見騰身近九霄。手扶星河影動搖。乾坤併入混茫裏。萬籟無聲夜寂寥。霞標忽建燭龍翔。金鳥條躍升扶桑。鯨波陡立迴瀾紫。五光十色眩生芒。潭疑火齊明珠不敢秘。蛟宮捧出貢天閭。大千幻作琉璃界。齊煙九點俯蒼茫。我昔登岱未信宿。但逐羊牛下夕陽。神山一別不可即。祇今想像空徬徨。得此奇觀真不負。樹人我公民。父母公本江南第一流。胸中雲夢吞

八九興酣落筆五嶽搖。名高海內仰山斗。甘棠蔽芾徧吾鄉。民愛冬日羣翹首。經濟文章我夙聞。瞻韓今日快論文。示我畫圖索我句。盪胸渾欲生層雲。我亦蒼生托仁宇。一言祝公公記取。升華從此兆三公。渥澤溥為天下雨。

題徐小竹貳尹古蕃覽勝圖

上宮訪履

寥落古上宮。高山同仰止。有客訪遺蹤。遺蹤今杳矣。斷碣剝苔尋一徑。夕陽裏。

沙河策蹇



君合稱吏隱戴笠不乘車涉蹇河流淺清風雙裊斜詩情如有  
助兩岸簇山花

微湖泛月

忽作蘆中人秋光破萬頃泛泛不繫舟權入廣寒境界微空  
明不辨銀蟾影

南社尋梅

風雪模糊裏探梅得句新寒香知何處踏破滿山春我欲從君  
去作箇詠花人

青駝道中早發

催起征人早荒村已唱雞殘星臨野大溼霧壓山低夢影車中  
續秋痕陌上迷卻餘詩興在小住更留題

送彭子蕃同年崧毓之官滇南

春光易暮酒初醒又上勞勞送客亭萬里行蹤增悵惘一樽別  
緒唱瓏玲便霑草木為甘雨許抱衾裯認小星君時納姬此後長安  
重回首塵寰聚散總浮萍

題劉漱石因樹居圖

天台洞口元都觀引得詩人話短長一樹桃花今又種依然韻  
事屬劉郎



題明左忠貞公琴圖

琴銘午夜清鐘款題蘿石二字蓋忠貞公之字也今藏

蓬萊張寶臣孝廉香海家

石○頭○城○下○降○王○走○四○鎮○蟲○沙○化○烏○有○持○節○燕○臺○賸○使○星○孤○忠○海○  
內○仰○山○斗○左○公○攜○琴○賦○遠○征○撫○絃○動○響○清○復○清○一○彈○再○鼓○三○歎○  
息○隻○手○難○支○大○厦○傾○仗○義○捐○軀○矢○不○轉○日○星○河○嶽○生○光○明○血○燐○  
碧○草○垂○青○史○俎○豆○馨○香○今○仰○止○枯○桐○一○片○落○人○間○忠○魂○如○在○常○  
不○死○蓬○萊○詩○人○稱○多○識○獲○琴○拂○拭○日○三○四○指○下○未○傳○鸞○鳳○音○肯○  
間○猶○認○蘿○石○字○示○我○琴○圖○索○我○歌○遺○恨○將○如○懷○古○何○披○圖○想○像○

淚滂沱吁嗟乎古今臣節當如此琴聲如聽言在耳莫愧清鐘  
深夜裏

十月朔早朝謝

恩恭紀  
韶護鏗鏘奏八琅千官逐隊肅鸞行  
九重旭日開  
金殿五色祥雲捧

玉皇螭陛遙瞻

天仗麗貂裘新惹



御鑪香 微臣 忝被

絲綸寵獻頌

彤墀學拜颺

題徐松臯光祿為孔春原學博憲舉訪碑圖

昔年假館滕陽與松臯春原朝夕過從風前月下論畫  
評詩相視莫逆今別來已兩更歲瑄矣披圖靜玩如對

故人賦此寄懷

滕陽小住聚良朋別後相思味不勝一幅雲山重讀書幾回風  
兩憶挑燈煙霞供養懷前約翰墨因緣悟上乘何日歸田重蠟

履訪碑同上最高層

陳年伯母紡績圖雪堂同年山峭屬題

退食委蛇詠自公歡承白髮樂融融百齡將近慈闈健猶對青

燈課女紅

無逸垂謨奇意深紡聲軋軋漏聲沈縱教費盡丹青筆難繪勤

勞一片心

送蔣蓮生同年爵遠出守滇南滇為尊甫年丈開府處

報道熊轡辭

帝京雙旌五馬被



石身書屋詩金  
恩榮他時已卜三遷兆。此去將爲萬里行。召杜勲名傳徼外。封  
圻保障續家聲。甘棠依舊栽南國。奏績遙知政易成。  
廿年回首費尋思。應憶官街上學時。得婦齊眉新舉案。趨庭屈  
指舊聞詩。馬蹏到處情堪戀。鴻爪重來樂可知。惟有故人增別  
恨。轉教惆悵話臨歧。

臘八粥二十韻

美俗殘冬記剛逢。伏臘辰桃符懸錯落。蘭粥暖甘醇報賽祈年  
候。吹豳飲蜡晨牙筒。邀賜否腰鼓送暄頻。鑽取槐檀火輕祛釜  
甑塵。浙珠拋米碎炊玉勝。肴珍水冽烹椒井。煙輕爨桂薪餼殊。

花○式○樣○賴○煮○豆○圓○勻○滋○味○饌○醜○共○芬○芳○几○案○陳○一○甌○盛○馥○郁○七  
實○任○調○均○綠○酒○圍○鑪○宴○黃○冠○入○座○賓○飯○宜○同○麥○飽○香○欲○逗○梅○新  
餽○口○思○銘○鼎○充○腸○詎○轉○輸○粒○餐○應○果○腹○膏○泛○尙○沾○唇○致○祭○迎○貓  
虎○兼○羞○佐○鳳○麟○會○傳○曾○浴○佛○馨○薦○夏○祈○神○調○酪○如○嘗○杏○和○羹○漫  
憶○蒞○勞○農○欣○樂○歲○餽○食○逮○比○鄰○韻○事○題○餼○似○詩○懷○借○筆○伸○物○華  
當

聖世歌詠太平春

春暮

風風雨雨昨宵過。幃幙輕寒透薄羅。睡起不知春易暮。開門滿



石身書屋言金  
地落花多

題徐樹人年丈雙歧瑞麥圖

年丈布惠吾邦先後廿餘年循聲卓越壬寅秋報最入  
都旋拜出守蜀郡之

命福星移曜無計攀留吾鄉人依戀之心與錦江俱遠臨歧見  
示此圖拙句奉題兼以送別

借寇難伸此日情徵詩又見畫圖呈雙歧瑞麥傳佳話幾處甘  
棠起頌聲海岱均霑膏雨徧旌旗遙向棧雲行祝君更繼文翁  
化翹首西南治譜成

修史偶成

頻年芸館任優游青史殊慚秉筆修似我可能增一傳論人早  
已定千秋是非難遁虛堂鏡成敗真同大海漚經濟文章兼節  
義伊誰徵倖姓名留

早發

野店雞聲早征塵拂玉鞭旅懷渾似醉客夢不曾圓殘月臨風  
墜孤星傍曙懸前村知漸近隱隱動炊煙

情景兼到筆尤渾  
樸不度

望廬山作

亂峯天半碧嵯峨石磴縈紆驛路過面目似嫌人盡識幾重深



石身書屋言金  
護白雲多

題王子仙乘槎圖

飄然逸興落滄洲，槎客重來犯斗牛。我欲長風乘萬里，從君也  
入畫中遊。

閨中選中卷

幾度披沙類揀金，低回掩卷自沈吟。漫收賈客懷間璞，細聽中  
郎爨下琴。千佛傳經推數定，十年伏案憶功深。文章他日期華  
國，誰識掄才一片心。

閨中發落卷

選才容易撥科難，萬卷紛紛落葉殘。怕說劉蕡終潦倒，應憐范  
叔劇清寒。墨花零亂痕猶溼，紅燭模糊淚不乾。珍重躊躇無限  
意，可能尋得返魂丹。

滕王閣懷古

凌虛傑構起嶙峋，遊讌登臨共主賓。落日閣中懷帝子，乘風江  
上憶才人。盛筵勝會同千古，畫棟珠簾又幾春。俯立蒼茫舒遠  
眺，長天秋水渺無垠。

重過潯陽懷古

琵琶一曲助閒愁，今古潯陽水自流。紅粉青衫餘舊恨，荻花楓



石泉書屋詩金  
葉入新秋詩從白傅傳高詠路繞黃州憶昔游指點雲山應識  
我鴻泥前度記曾留

重登黃鶴樓

跨鶴仙蹤杳重來語舊遊古今付流水江漢此高樓花落誰橫  
笛帆輕客泛舟倚欄人小立吟興豁雙眸

赤壁懷古

赤壁燒兵處停橈暫艤舟江山留大夢風月入新秋橫槩人何  
在吹簫客自游蒼茫一憑弔今古付東流

江行口占

破浪乘風去中流興不凡天空疑墮水舟遠但浮帆別浦荒洲  
泊遙峯落日銜還逢漁父問可有鯉開緘

桐城道中

縱陽驛路早涼天歸去星軺拂玉鞭四野困塵知稼熟萬家烟  
火聚城圓高山流水琴中趣紅葉白雲畫裏禪不爲皇華程計  
日還應訪勝到龍眠

謁亞聖廟敬賦

義利分明氣浩然七篇書共日星懸功名羞說三千客聞見猶  
承五百年松檜參天餘古廟莓苔滿地冷秋煙斜陽影裏捫碑



石泉書屋詩金  
讀勳業真堪並禹傳

題王文簡公小像

鬚眉神致寫悠然一領輕衫戴笠圓何處此君堪位置明湖秋柳畫橋邊

長留詩卷擅才名當代騷壇讓主盟我亦心香分一瓣翻從畫裏拜先生

畫扇送祁幼章世丈宿藻出守黃州

世丈與余同館同課聚首數年清甚歡誼甚洽也今分符出守匆匆祖帳何以爲情繪此送別並綴小詩聊當

驪歌

春明聚首樂同羣雅契芝蘭我與君忽報雙旌天際遠令人癡望楚江雲

玉堂吟課共追隨一字推敲卽我師每到詩成人未散綠陰清話又多時

赤壁雪堂遺蹟留雙旌五馬到黃州江山風月今無恙好與坡仙續舊遊

溪山點染水雲平小扇持來送遠行他日出君懷裏裏清風應憶故人情



題德默菴前輩查汎圖圖爲季雲宗兄恩慶所繪畫夜二

景一時同人題詠甚夥

峯巒王氣拱神州作鎮元戎賦壯游按部徐行閒嘯詠輕裘緩帶足風流  
簇簇霜林落葉丹斜陽影裏不勝寒秋容山色開圖畫好待詩人駐馬看  
地迴天高月照營紫荆山下駐行旌屋臨北斗京華近仰望誰知此夜情  
吾家繪事擅龍眠題詠新詞錦句聯展卷吟詩兼讀畫一時風

雅屬羣賢

菊饒

開筵令節近重陽佳製清芬侑客觴籬下秋痕迷豔影盤中淡味沁餘芳  
餐英助我三生慧題句分誰一瓣香此日登高添雅興詩成應許傲劉郎

閨餘凡年丈學海屬題畫幀

茅屋臨溪野趣饒雲煙深護路迢迢先生杖履行來健更爲尋詩過小橋

出守臨汀留別同人



君恩新許耀雙旌戀闕情深馬不行十載玉堂重回首捫心敢

負舊時清

春城花雨送征驂注籍蓬山願竟違卻羨宮鶯爭選樹年年得

傍禁林飛

叩別崇封計幾春重來展墓淚沾巾縱然有祿難歸養妬煞當

年負米人

時將紆道  
歸里省墓

聚首良朋正樂羣好風吹得雁行分鞭絲帽影匆匆去望斷燕

臺一片雲

紅燈綠酒清歌夜淨几明窗對課時我憶諸君君憶我雲箋難

寫是相思

當筵怕聽唱驪歌惆悵臨歧意若何莫向長隄折楊柳離情更

比柳絲多

好書名畫不論錢燕市欣多翰墨緣檢點行裝無長物一家同

坐米家船

人共殘春去不留樽前強自解離愁煙波重泛江南棹好與湖

山話舊游



山胡... 人共... 坐米... 此... 當... 長... 詩... 意... 莫... 向... 具... 到... 時... 請... 尚... 更...

石泉書屋詩鈔卷三

利津李佐賢竹朋

出瓜州江口

瓜步揚帆去中流自在吟沙痕平水面塔影落江心遊似乘槎壯情猶戀闕深從今來宦海不必問升沈

虎邱竹枝詞

響屨廊前日易斜當年粉黛憶繁華吳宮花事今銷歇賸有山塘喚賣花

見說吳儂不解愁生公臺畔自遊遊縱然說法知誰聽不及石



石身書屋言錄  
頭猶點頭

春宵歌舞不知寒，過客停橈倚畫欄。  
樓映燈光船映水，空明都當鏡中看。  
日長時當平林，處處華吳宮，翠華今在，想見青山。  
燈船來往望難真，一片笙歌入耳頻。  
酒地花天人盡醉，不知誰是獨醒人。

登嚴子陵釣臺

千里江山一釣竿，高臺終古擁巒峘。  
經過熱客知多少，都被先生冷眼看。

山光水色共澄清，懷古停橈無限情。  
拌使一官終潦倒，登臺也

要拜先生

俗傳之官者忌登臺，否則不遷官。

過仙霞嶺

峻嶺摩霄漢，凌虛鳥道攀。  
雲霞疑上界，閩越此雄關。  
叱馭今朝去，遂初何日還。  
回頭京國遠，遙望列仙班。

汀署梅園有三友書屋而乏松竹，余為補植詩以紀事。

園有梅十七株

園有十七樹，梅花山館。

千枝萬枝姿態殊，暗香疎影難描。

摹巡檐索笑足，慰余愧余難。  
同處士，逋無鶴，誰伴此清癯。  
縱有凡卉難為徒，顏題三友舊時廬。  
問名卻笑實未符，蒼官青士費招呼。  
主人為爾三脚躡，呼僮試荷畚與鋤。  
移根接葉影扶疏，竹



君子松大夫與結芳鄰德不孤梅若有知應歡娛晨夕似與良朋俱主人亦樂樂何如不待淋漓筆墨濡傳神權當歲寒圖

食荔支

水晶盤裏薦蘋珠尤物偏教降海隅味羞將瑤柱比仙姿誰道玉環殊狂吞飽飫三生幸色豔香濃百果無我效坡公貪口福南來亦道是良圖

登烏石山

烏石峯高處盤空一徑穿晴雲都泛海曉日欲捫天覽眺林亭古留題姓字鐫磨崖遺蹟在知有幾人傳

題彭詠我同年蘊章樞垣趨直圖

殿瓦凝霜階浸月天上疏星半明滅樞院深沈魚鑰開侍臣五夜趨金闕畫圖開卷索題詩春明舊夢堪回思藥榜名忝附驥尾紅綾宴罷看花時掌握

絲綸十二年輪君先著祖生鞭黃扉接武星辰近

丹詔恩多雨露偏待漏披衣天未曉鳴珂聲靜趨直早夙夜誰知匪懈心傳神繪出丹青好軒軒今過仙霞路珊瑚都化桃李樹歡然道故又逢君舊時真面留紉素老眼摩挲子細看還將心事語同官手攜玉尺來閩海宵夢猶牽玉宇寒我聞此語憶



石身書屋詩金  
疇曩張觸西清鈴索響待從

香案幾經年

金華殿上勞追想汀水南流雁北飛何時重許

鑿坡上

工麗如讀沈宋應制諸詩 駿注

題李少蓮貳尹滄海從軍圖

請纓年少侔終童戰艦遙指滄溟東磨盾意氣雄且傑萬里破浪乘長風天吳倒翻海水立片帆不落輕於葉四座神驚壯志灰舟子無言餘戰慄君履險艱如坦夷獨坐長吟仍抱膝長空喜然忽聞聲隱隱雙挂明燈明蛟龍避舍鯨波平始知忠信仗

平生歸來一曲諧琴移情猶傳海上音遊蹤更倩丹青寫天空海闊同胸襟還君玉照爲君歌征袍爭及釣魚簑君不見西塞山前張志和浮家泛宅託煙波縱然春漲桃花水清淺只在蘆汀裏不信人間風浪起

題李少蓮自鋤軒吟稿

揮毫珠玉落吟箋風致翩翩况少年雅度清才誰得似芳名應合繼青蓮

奪得支通筆一枝驚才絕豔賦新詩移情更是吟成後回憶攜琴海上時



自題品泉圖

嗜痴各有癖我癖屬古泉制作商周季篆隸秦漢前古香兼古  
 色青綠雜爛斑鼎彝同典重碑版難比肩俯仰數千載與結文  
 字緣此外何所好寄興林泉間欲魚欲熊掌所得難兼全卻將  
 雙管寫併作一圖懸何年解組綬徜徉雲水邊釣游多暇日考  
 訂金石編此中有真樂何事慕神仙

內子張晚芳生日

筵開設悅慶團圓廿載瑟琴隨過安學畫商量爭試墨看花笑  
 語共憑闌梁鴻案許齊眉舉雛鳳聲添繞膝歡他日歸來應踐

約煙波同把釣魚竿

晚芳時為余吟早買漁簑未老歸之句

汀署梅園八詠

梅林

探梅到芳園渾忘在官府贏得好頭銜我是梅花主

桃塢

種桃傍小鵝穠豔自成行不是武陵路未必誤漁郎

竹徑

曲徑愛通幽餘地盡栽竹坡仙曾有言可以食無肉

蓮池



石泉書屋詩金  
五  
荷沼微風度坐久嫩涼生此心塵不染應許比花清

中亭

中亭空依傍古木繞扶疏芭蕉間修竹護此綠天居

宿花亭

茅亭何所有月影篩花影夜深花睡去問誰能喚醒

習射廳

林下聽鳴鏑公餘習射儀梅花亂開處楊葉乍穿時

三友書屋

竹木交加處戶牖敞虛明綠陰春悄悄時聽讀書聲

汀郡試院雙古柏歌

古柏在郡城考院有樹神廟籤語靈應汀人曰順治初  
年唐王兵敗退守汀城城尋破有從臣二人同殉節於  
樹下此廟蓋忠魂所憑依也因憶紀文達五種筆記載  
郡試時見兩神人緋袍立樹上特懸一聯於廟云參天  
黛色常如此點首朱衣合是君蓋未聞雙忠事故云爾  
今作歌正之而仍惜雙忠之名姓不傳也

古柏未識何年種團圍雙蓋垂雲重亭亭老幹薄青霄虬枝應  
許棲鸞鳳風霜飽歷質堅貞棟梁材大誰能用托根試院傍文



星廟貌尊嚴香火供初疑巫祝惑人聽靈籤底事多奇中汀人  
道此非偶然軼事會稽順治年唐王退守彈丸破雙忠並益雙  
柏前雙柏雙忠同不朽卻憐名姓今無傳南疆紀略留青史  
源道上石齋苑賴垓熊緯胡上琛從王殉節堪僕指而今靈爽  
得憑依忠魂是否三君子二百年後感滄桑蒼茫弔古情何已  
河間詩客來此都神光隱現拖霞碣採風車過弗深考宋衣揣  
測母乃誣吁嗟乎人千古樹兩株我來樹下三踟躕如此勁節  
封爵無終勝秦松呼大夫

筆力挺勁 駿注

散衙有作

龍山秀峙鄞江澄坐對官齋感不勝時雨流甘欣有歲密風難  
化愧無能案清書吏閒於鶴衙散情懷懶似僧自問差堪自慰  
處頭銜未負一條冰

題程秋霞羅浮曉夢圖

閱盡繁華別有春梅花叢裏著吟身空山寂寞誰堪伴應有門  
前立雪人

塵世何勞眼獨醒同將大夢了浮生誰知一樣晉騰候修到梅  
花夢亦清

行蹤我亦到羅浮鴻爪依稀雪印留回首廿年成舊夢披圖權



當賦重遊

舟中晚眺

模糊頓失亂峯青雲氣嵐陰入渺冥貼水蓬窗跳驟雨沿溪燈  
火聚繁星間閣豐稔田多稼鼓吹喧闐廟有靈願把閩中康樂  
景幽風圖繪貢

天廷

遊小玉華洞

豐歲同民樂時和政亦閒偶從金沙郡來看玉華山巖壑疑飛  
動煙霞共往還摩崖尋古字幾處剔苔斑

過延平昭胡懷汪同年應泰話舊

劍水乘舟去相逢有故人離踪三載慰交誼十年親舊雨情懷  
戀輕霜鬢髮新依然無建樹轉悔落風塵  
接踵來仙嶺分符我與君同舟期共濟列郡悵離羣對課詩千  
首當筵酒半醺蓬山成舊夢回望隔燕雲

舟中曉望

驚起蓬窗夢篙聲響亂灘雲垂榕樹碧山映荔支丹不減乘槎  
興詎知行路難詩懷添壯濶望入海門寬

山行遣興



嶺樹川雲來去諳肩輿送我入煙嵐路盤曲磴如穿蟻人到深  
叢似裏蠶泉石膏肓原是癖風塵面目詎無慚何時重蠟遊山  
屐更向武夷幽處探

一派清音勝管絃沿溪鎮日聽流泉亂山膝薛互爭長野卉尹  
邢相鬪妍宦况依稀中酒味吟懷澹沲早秋天輕裝頓覺歸來  
重添載新詩又幾篇

題鄭藹人刺史西窗話雨圖並謝招飲

天涯有客感離羣回首西窗話夜分人畫伊誰曾聽雨裁詩應  
合賦停雲論交恨晚殊慚我同氣相求定屬君雅意殷勤歌永

夕紅燈綠酒不辭醺

歸化道中

翠竹蒼松映遠岑幾家茅屋住山深此間定有新詩詠秋色無  
邊何處尋

過山村即目

兩兩三三自結羣田家兒女布衣裙雙旌到處歡迎迓笑指肩  
輿看使君

水複山重路幾程秋光爛漫雨新晴梯田高下黃雲滿喜聽村  
村穫稻聲



石身書屋詩金  
遊蒼玉洞

蒼翠浮東郭，招朋幾度尋。  
樓高延月早，新建貯洞古貯雲深。  
山雲樓水探幽趣，郊原樂歲心。  
訪碑兼問稼，莫負此登臨。

鼓山訪碑記遊

閩水閩山疊萬千，鼓山一脈相亘連。  
笑問山名義，何取對峙遙。  
見靈旗，左有疑是神威，工布陣，堂旗鼓，相周旋。  
何年星隕，南海角一拳化，作頑石，頑取象，摹形工，附會桐魚，誰叩聲，應傳。  
我嗜遊山如嗜味，但逢名勝口流涎。  
清風引步出東郭，屐齒踏破青青田。  
尋山山疑無路入，凌空百道飛來泉。  
泉流斷處通幽

徑薜蘿，石磴攀躋難十步，五步一回顧。  
靈蟻九曲珠，能穿松風。謾謾涼生袂，梵宮迥出層巒。  
巒林杪直上湧泉寺，見佛亦生歡。  
喜綠空中清磬冷，然落巖花欲笑山。  
寂然別院小，甜逢僧話我來乘興非參禪。  
山僧向導尋幽去，窈窕古洞別有天。  
石骨玲瓏兼瘦皺，點綴亭榭生清妍。  
峭峯絕壁多石墨，宋人名氏工鏤鐫。  
晦翁西山蔡忠惠，私心仰止尤名賢。  
摩挲篆隸從頭讀，風流想像七百年。  
峯回路轉開生面，小亭獨傍危崖懸。  
海天一覽渺無際，輕帆萬葉估客船。  
仙境別開霞嶺外，蜃樓彷彿島雲邊。  
遊蹤至此歎觀止，森然萬象羅胸前。  
夕陽仍逐羊牛下，回首凝望空



石泉書屋詩金  
雲煙如此名山不暫住笑我仍被微名牽

題信竹帆同年和來觀稼圖

彭澤賦歸田魏晉仰高風繪圖曰觀稼此意將母同我亦田間  
來尚憶畝南東春耕與秋穫但祝年屢豐築場狎野老拾穗有  
兒童知足復何慕俯仰樂融融緣何一念差誤墮名網中戊秋  
識君時聯步入蟾宮再遇長安道十丈塵輒紅萍蹤遊宦海汀  
水復相逢我今忝支郡君亦膺花封簿書消歲月駒隙太匆匆  
轉羨田家樂一飽萬慮空何日遂初服從君學老農披圖三歎  
息言盡意何窮

書齋中蘭開並蒂近復有一蒂三花者戲題截句示晚芳  
芳蘭並蒂證前因寫照同心倍有神底是幽香增一瓣料應添  
箇抱衾人

九日登九龍山懷繼之兄

九日無風雨登臨興倍豪樓頭去天近山勢讓人高絕頂盤孤  
鶴危巒戴巨鼇故園黃酒會北望首頻搔 次韻神妙 瑞駿

舟行口占

最難消遣客中懷我遇行程興轉佳夜雨碧添新漲滿夕陽紅  
被溼雲埋好山渾似披奇畫孤艇權如坐小齋閒醉冷吟時得



石身書屋詩金  
句幾回收拾入詩牌

玉華洞

清風導入石門關，窈窕玲瓏路幾彎。  
倒挂旌旗成隊伍，嵌空樓閣漫登攀。  
我來洞裏潭疑夢，誰信人間有此山。  
采藥曾聞赤松子，世傳洞為赤松子采藥處年時可有鶴飛還。

途中憶梅園桃李盡放書寄內子

小別荜關行路難，卻憐春色又闌珊。  
天桃穠李圍如錦，翰與芳卿獨倚闌。

劍河舟中

奔流亂石自成叢，孤棹斜穿石罅中。  
到眼飛花皆散雪，當頭駭浪不關風。  
文瀾壯澗平還起，世路崎嶇絕又通。  
蓼岸蘆汀清淺水，扁舟何處羨漁翁。

劍河阻風寄內

深閨燈火夜如秋，兒女團圞話遠遊。  
知否延津山下路，連宵風雨泊孤舟。

青楓嶺道中

小住行旌日又曛，山程一半水平分。  
倪黃粉本窗前認，琴筑泉聲枕畔聞。  
詩味濃於新釀酒，宦情懶似欲歸雲。  
惟慚五載臨汀



守未有涓埃答

聖君

野望

春色知深淺吟鞭賦遠遊人來三月暮花壓一村稠野水綠平岸夕陽紅上樓征帆天際落點點認浮鷗

下灘

山從水底出出水勢崢嶸舟從山巔下一葉浮漚輕銀河半空落倒瀉天瓢傾急溜穿罅裂激作不平鳴篙與石互鬪流與石交爭九曲如湘轉一棹相支撐翻空浪花舞濺衣雪花明看山

如奔馬過眼不知名長年噤無語履虎凜祝兢中流我自在遇險心不驚頗聞古人語忠信仗平生

劍河晚泊

峽束河流疾蒼茫赴海門孤舟穿箭駛亂石逐濤奔沙岸明於鏡山城小似村渡頭爭晚泊人語聒黃昏

山行書所見

峭壁危峯劍水西灌林叢莽怪禽嘯荒程驛舍空餘瓦破廟神繩半墜泥石磴縈紆絨似帶山田重疊界成梯分明一幅倪黃畫留待詩人細品題

領聯荒涼如繪不減杜少陵斷橋無復板之句 瑞駿

石泉書屋詩鈔

卷三

三



游滴水巖

山勢竊而深巖洞繚而曲側身類蟹行徑仄難受躅洞門翕其  
口洞中蟠其腹彷彿怪石供羅列此夏屋或展如靈旗或懸如  
天纛或矯如游龍或峙如立鵠方郵如棋枰團圞如車轂如擎  
承露盤如秉金蓮燭如舟泊連檣如厦撐一木如琴眠石牀如  
畫卷玉軸若云施雕鑄神工大煩瀆若云出天然肖物何太酷  
大小兩玉華左右相聯屬此巖介其間公然三鼎足彼此各逞  
奇形狀無重複造物若有知變化從心欲卽此悟文心超然自  
殊俗 筆足達難顯之情如讀柳州山水記 駿注

題陳少香明府偕燦鷗汀漁隱圖

脫卻朝衫上釣航黃川一曲水雲鄉前溪柳色春深淺明月蘆  
花路短長宦海風波成夢幻君時望高人嘯詠託滄浪詩囊畫  
卷頻杼寫應笑名心未盡忘  
舊日鷗盟記得無塵緣頓悔落雙鳧詩文慧眼空今古簑笠閒  
身入畫圖蕭散如君真野鶴情懷觸我憶鄉鱸歸來也擬辭官  
早同泛煙波作釣徒  
二詩酒脫自喜不減坡公 駿注

題興宜泉明府廉停琴待月圖



挂冠彭澤歸來早三徑黃花霜露飽回首琴堂幾度秋夢醒春  
婆人易老綠綺攜來向石牀涼雲滿地不可埽成連去後誰移  
情海天悵望蓬壺島欲彈不彈思渺然徘徊月上東山皎紫雲  
一曲奏廣寒應憐塵世知音少感慨係之 瑞駿 飄逸雅  
似太白 度

重遊小玉華洞

一朶青蓮墮下方玲瓏窳窳闌丹房別開壺嶠雲霞麗小貯乾  
坤歲月長對景誰摹新畫本摩崖重認舊詩章余舊有  
題句 兩年前三  
度山前過應被山靈笑客忙

胡麻嶺看雲海

胡麻嶺俗名虎蟒嶺余為更易今名因公赴連城過嶺  
最高處時值新霽嶺下晴雲平鋪似水雲端露出遙峯

數十點濃青搖漾頓成奇觀詩以紀之

胡○麻○嶺○上○空○復○空○浩○浩○蕩○蕩○乘○天○風○聳○身○咫○尺○重○霄○近○一○輪○晴○  
日○磨○青○銅○俯○看○大○地○形○容○改○不○知○井○邑○今○安○在○茫○茫○一○片○但○平○  
鋪○信○有○桑○田○變○滄○海○虛○白○上○映○蔚○藍○天○天○容○雲○氣○相○澄○鮮○因○風○  
搖○漾○波○瀾○潤○中○流○但○少○乘○槎○騫○羣○山○滅○頂○不○肯○讓○衝○波○亂○刺○千○  
峯○尖○金○焦○江○口○浮○雨○點○蓬○壺○方○丈○只○三○山○何○如○一○氣○混○茫○裏○峯○  
巒○無○數○海○無○邊○仙○霞○嶺○出○青○雲○上○茲○山○並○峙○何○多○讓○黃○山○雲○海○



人豔稱此間雲海無傳名天荒地僻人蹤少湮沒應作不平鳴  
憑高搔首將天問題詩一洩山靈忿山靈轉笑人何癡嵐光雲  
影自娛嬉天空海濶兩相忘那計人間知不知

妙景賴妙筆傳之瑞駿

清流道中

驛舍郵亭路幾程肩輿穩勝馬蹄輕雲痕鋪地真成海嵐影隨  
人欲進城澗水琤琮時裏韻巖花寂歷不知名清溪一曲峯千  
疊詎羨山陰道上行

頴聯妙語駿

山行小憩忽聞異香於道旁見幽蘭一叢感賦

草莽叢中茁素蘭香生鼻觀勝梅檀往來過客誰青眼都當憐

昔一例看

語意含蓄劉賓客李庶子之遺

駿注

山程早發

驛路千山裏登程夜已分雞聲迷店月鶴夢冷巢雲過雨涼先  
透流泉細轉聞渾忘行役苦此境隔塵氛

頴聯妙絕駿

陸劍南小像為王琴航明府題

短笠輕衫寫照工風流想像畫圖中更期添寫梅花樹好伴詩  
人老放翁

務觀新詩子細哦清詞麗句法如何與君同把心香祝未識誰  
分一瓣多



自題書扇

西塞山前老志和扁舟一葉託煙波他年脫卻朝衫去也擬從君荷釣簑

題畹芳畫蘭

碧紗窗下寫幽蘭澹墨濃香總一般底事兩叢相倚傍也如人意共團圓

空谷幽香寫照難憑將墨瀋灑冰紈笑他塵世繁華眼只愛胭脂畫牡丹

梅園靜坐

案牘無留滯梅園日往還蜂衙聽午報倍覺訟庭閒

朝斗岩下看梅

汀人蓺梅爲業花時千萬樹香雪成海無人過問余屏騎獨賞慨然有作

山城散衙早事簡訟庭閒出城屏冠蓋直造意所便清流帶城郭嵐影周遭環梅林花萬樹香雪霏山前到此愜幽興所憾無管絃探芳借蜂蝶欲去更流連吏民走相告太守毋乃頑太守有深意欲語口難宣探梅記鄧尉訪梅憶孤山詩酒競游讌裙屐時往還而此幽僻地蓺梅當種田伊誰青眼看開落自年年



潛修類隱士伏處草茅間窈窕如靜女淪落空自憐名花待眞賞遇合良獨難我昔步芸館聯袂玉堂仙宦游霞嶺外非謫亦非遷嗟爾同寂寞與爾相周旋頽然花下坐晤對兩忘言

題上杭溫泉

源頭活潑不知寒一樣溫泉豈兩般不比華清曾賜浴遊人便作等閒看

題友人小照

浮名底事慕封侯小結園亭任去留座有名花香入妙窗臨修竹借來秋三生占得閒中福一曲能消世上愁半世風塵春夢

擾翻從畫裏羨巢由

梅園卽事

亭後亭前初破蘂山南山北又橫枝梅花應笑人疎懶開徧芳園未有詩

夢回

街鼓沈沈玉漏遲碧紗窗外月明時夢回忽見橫斜影知是梅花第幾枝

寄書銘東屏同年岳索畫

知君妙墨擅荆關况自香鑪絕頂還寄與鷺溪三尺絹乞將眞



面寫廬山

辭官後戲作

七年支郡問心難，愧儡登場一例看。  
骨不宜官悔親案，牘拋書卷便挂簪。  
理釣竿，免得衙齋聽早鼓，從今高臥學袁安。

入贛州山水平遠頓異閩中喜而有作

章貢雙流眼界寬，蓬窗無復對巔巒。  
浮影向村邊，盡野濶天從樹底看。  
舊夢猶驚灘黯澹，前途頓喜路平安。  
山城水郭皆圖畫，閒眺清吟勝擢官。

重游西湖

晴曩過西湖，簡書相迫促。無詩記雅游，去去何太速。  
山靈如有知，母乃笑人俗。今來脫塵網，去官遂初服。  
拌將物外身，更與清景逐。春水漾晴波，雙槳來往熟。  
印月指潭三，烟柳鎖橋六。處士緬遺蹤，為訪孤山麓。  
放鶴幾時還，古梅但繞屋。聖因與淨慈，禪房深花木。  
紅藥未翻階，玉蘭正芬馥。胭脂上海棠，紅粧雨新沐。  
韶景共流連，伊誰夜秉燭。更逢金石僧，謂六舟禪關。  
媚幽獨，碑版投瓊瑤。琳瑯展玉軸，話舊當參禪。形骸忘拘束，回首忽夕陽。  
遙見雷峯禿，歸來憶清游。夢境猶轉轂，凌晨出郭門。  
試把前游



續肩輿入烟蘿行行曲徑曲靈隱古剎開松風聞謖謖小憩冷  
泉亭危崖挂飛瀑幽澗咽泉聲清冷不可掬何處望韜光一徑  
入修竹撥霧並穿雲照我鬚眉綠啟戶對之江湖來豁遠矚氣  
象俯萬千山重更水複茲游似温書不厭百回讀更如參妙繪  
展卷幾往復猶憶虎跑泉昔年曾寄躅惟憾徧游難里安與天  
竺何當裏餽糧入山恣信宿轉念此浮生底事求饜欲譬如異  
味嘗豈必期果腹鴻爪印雪泥留此亦已足  
渾灑流轉古味  
盎然度注

筆力健舉風格在張水部王仲初之間

駿注

### 渡揚子江

不盡長江水蒼茫萬古流金焦如對待天地共沈浮游子雙蓬  
鬢孤帆一葉舟蓬窗高挂起目極海門秋

與工部望岱之作  
相頡頏度

### 望海

東方兩大荷崇封一片滄溟儼岱宗日月雙丸同沐浴江河萬  
派總包容空中海市蜃樓現望裏神山螺黛濃指點蓬萊清淺  
水乘槎應許會僊蹤







